



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXIII.


13. Octobris. 3. Idus.

urn:nbn:de:hbz:466:1-45314

ras Virgines Angelo, in Priorissam electa, tanto ardebas charitatis fervore, ut ignis qui animam inflammabat, etiam foras per spectabiles radios erumperet: dulci ardore eas quoque comprehendente, quæ illud lumen videre merebantur. *Incende & cor meum, ut immensam divini amoris dulcedinam vel in modicâ scintillâ sentiam: scio, cessabit ex hoc gustu mihi sapere terrenarum rerum amor, vel potius insania: verus enim amor nullibi, nisi in Deo quiescit.*

S. BERNARDUS, ser. 83. in Cant.

Deo quidem honor & gloria: sed horum neutrum acceptabit Deus, si ^{Sinè amore nihil DEO gratum} mel-
le amoris condita non fuerint. Is per se sufficit, per se placet, & propter se. Ipse meritum, ipse præmium sibi est amor.



13. Octobris. 3. Idus.

B. BERNARDE Escudere, Vallis-^{Obijt}
Bonæ in Hispania planta felicissi-^{anno}
ma; quam ex innocenti Paradisi horto ^{1606.}
illuc penè dixero esse transplantatam,
cùm rarissima his temporibus felicitate
originalem animæ decorem, quem
Lex Gratia renascenti induit, illibatum
retuleris in tumbam mortualem:
quod

310 ANNI CISTERCIENS.

*Innocē-
tiam il-
libatā
confer-
vat.*

quod celebris doctrinæ & probitatis viri, conscientix tuæ, in ultimis vitæ horis sese candidè aperientis, arbitri testari sanctè non dubitaverunt: cum tamen plura lapsus pericula struxissent & mundus, degenti inter deliciarum lenocinia, & honores, quorum comites ubique esse solent præcipitia. *Gemina vestis est, quæ nos Judici Deo sistit sinè confusione: innocentix & penitentiæ. Infirmetas naturæ lapsæ priore multos exuit, priusquam ejus pretium agnoscant; tu me iuva, ut saltem in altera me Judex aspiciat.*

*Obijt
anno
1218.*

*Angeli
ejus a-
nimam
in cælis
ferunt.*

B. GERBRANDE, Abbas Clari-Campi, emerite miles sub Cistercii Vexillis: qui à Comitibus Generalibus cœnobium tuum repetens, pro illo domicilium æternum cœlestis patriæ attingisti: quod quædam DEO sacrata Virgo Visitationis tuæ curis commissa eo ipso momento, quo decesseras in loco longè disito vidit, retulitque stupentibus, se animam tuam multa luce fulgentem in cœlos Angelorum ministerio deferri conspexisse. *Fidissimi sunt vitæ nostræ duces & comites purissimi illi spiritus, eo maximè tempore, quo transeundum est ad Patriam, sed nimirum non deserunt, quos experti sumi sibi per vitæ decursum obsequentes.*

B. MAU-

XIII. OCTOBRIS. 311

B. MAURITI; Abbas Carnoëti.
 Præras ante Langoneto, promotus
 ibi quarto anno post susceptum Reli-
 gionis habitum, clavumque tenuisti
 annis triginta: quo successori sponte
 tradito Carnoëtum duxisti coloniam
 ingentibus prodigiis decorandam.
 Quorum initium fuit in Missæ sacrifi-
 cio, in quo deficiente vino precibus ad
 DEUM fusis urceolum antea vacu-
 um mero plenum ministro tradidisti.
 Alterum quo Lupos, pecori & homi-
 nibus infestos à Monasterii finibus ar-
 cuisti: duobus tantum, homicidii reis
 mortem subire iussis. Idem fatum ex-
 perti sunt mures è noviter eruta ad æ-
 dificium perficiendum terra molestè
 prorumpentes: his abigendis usus es
 corvis ministris, qui per omnes officina-
 nas, & angulos nociva animalcula
 conquirentes rostris & unguibus extra
 muros deportarunt. Gravior bestiis
 bellua infernalis cum loci vicinos in-
 colas vexaret, quamdiu intra Mona-
 sterii muros morabantur, liberi erant
 ab ejus infestatione. Quantus deniq;
 fuerit ad sepulchrum tuum prodigio-
 rum numerus, calculos ducere despe-
 rarunt, licet tui honoris avidissimi Fi-
 lli; scripto hoc unum relinquentes:
 Miracula ipsa ita crebuisse, ut nec liber
 capere,

*Obijt
anno
1191.*

*Vas va-
cuum
vinore-
plet.*


*Lupos,
& mu-
res pel-
lit.*

*& da-
mones.*

capere, nec manus scribere, nec cor hominis sufficiat cogitare: nam cæci vident, claudi ambulant, muti loquuntur, &c. *Innocentiae signum est potestas patranda miracula, quâ veste primum nostrum in paradiso parentem spoliatum esse dolemus, non tamen à peccato cavemus: quo solo tantus decor amittitur.*

S. BERNARDUS, ser. 10. in Ps. XC.

Peccatum fugiendū. Cavendum sanè interim peccatum magis, quàm peccati pena: & è studiosius à malo, quàm à flagello declinandum; quò perniciosius & omnino infelicius sit, à Deo animam, quàm à corpore separari.



14, Octobris. Pridie Idus.

Obijt

anno

1374.

B. JOANNES, Abbas Cistercii, ac totius S. Ordinis Pater Generalis XXXIII. ad quem honoris apicem te promovit præter alia virtutum insignia singularis eruditio, quâ cathedram Theologicam diu gloriosè ornaveris. Gravissimi labores oneravere regimen annorum viginti, dum contagiosa lues per Gallias grassata multis Monasteriis fatalem ruinam minaretur; tua tamen industria, & providentia vigilans effecit, ut pleraque spe citiùs respiraverint.